

Istinsko lice islama br. 9

AHMAD, OBEĆANI MESIJA

AHMADIJA MUSLIMANSKI DŽEMAT
U BOSNI I HERCEGOVINI

U ime Allaha, Milostivog, Samilosnog!

AHMAD, OBEĆANI MESIJA

Časni Kur'an obrazlaže da je savršena zbirka pravila duhovnih zakona objavljena preko Časnog Poslanika islama (neka je Božiji mir i blagoslov na njega), i da neće biti poslanika s novim zakonom poslije njega. Časni Kur'an je posljednja objavljena Knjiga i nije podložna da bude zamijenjena i nadomještena bilo kojom budućom objavom, bilo cijela ili u nekom svom dijelu. Duhovni svijet će I dalje biti vođen Časnim Kur'anom i Časnim Poslanikom do zadnjeg dana.

Ali, čovjek je podložan zaboravu, brz u činjenju grešaka i sklon protivljenju i pobuni. Da bi se održala suverena vlast Časnog Kur'ana, bilo je neophodno osigurati i pripraviti lijek za sve ove čovjekove nedostatke. Ovaj recept je bio neophodan da bi zaboravni bili podsjećeni, grešni popravljeni i buntovnici dovedeni pokornosti.

Mi učimo iz Časnog Kur'ana da će se, kao što u materijalnom svijetu Mjesec prima svjetlo od Sunca i osvjetljava Zemlju kad direktna sunčeva svjetlost nije na raspolaganju, na isti način nastaviti pojavljivati ljudi koji će postizati duhovno svjetlo od Časnog Poslanika i nastaviti će obasjavati duhovni svijet.

Ovi ljudi će se pojaviti kao reformatori u skladu s potrebama za koje su određeni da ih ostvare, ali u slučajevima široko raširene nezakonitosti, nereda i nepravde u području duhovnosti bit će određeni kao poslanici, podređeni i u strogoj poslušnosti Časnom Poslaniku.

Časni Kur'an na različitim mjestima ukazuje na pojavu jednog ovakvog poslanika koji će biti duhovni odraz Časnog Poslanika i čiji će dolazak biti smatran kao drugi dolazak Časnog Poslanika. U hadisima (predanjima) ovaj lik Časnog Poslanika je nazvan Mesija i Časni Kur'an, također, na jednom mjestu ukazuje valjanost ovog imena za njega. (43:58)

Drugo ime spomenuto u hadisima za ovog poslanika je Mehdi. Oba ova imena, međutim, vrijede za jednu ličnost, premda oni izražavaju drugačija svojstva. Knjige Biblije, također, ukazuju na drugi dolazak Časnog Poslanika podržavajući obećanje o drugom dolasku Isaa.

Znakovi spomenuti u najstarijim Knjigama i u Časnom Kur'anu, koji trebaju naznačiti vrijeme pojave ovog poslanika, bili su ispunjeni u ovom dobu i to je snažan dokaz istinitosti Časnog Kur'ana da je, u skladu s predskazanjima u njemu, od Boga bio uzdignut čovjek u ovom dobu koji je tvrdio da je duhovni odraz Časnog Poslanika i da su u njegovom dolasku ispunjena predviđanja sadržana u Časnom Kur'anu i drugim Knjigama. On je objasnio da ga je Bog uzdigao da bi ponovo uspostavio dominaciju islama i da bi osvijetlio istinska učenja Časnog Kur'ana. Onaj koji je to tvrdio bio je rahmetli hazreti Mirza Ghulam Ahmad, osnivač Ahmadija pokreta.

Prije više od sto godina bio je obaviješten kroz Božiju objavu da je on izabran da služi islamu i Časnom Poslaniku i da radi na uzdizanju Božijeg imena u svijetu. Bilo mu je rečeno da mu je Bog dodijelio čast poslanstva, te će uz to on i dalje biti

savršen sljedbenik Časnog Poslanika i Časnog Kur'ana i da će objava koja mu je bila povjerena biti potčinjena Časnom Kur'anu i da neće sadržavati nikakav novi zakon. Jedna od njegovih objava bila je: "Svaki blagoslov je od Muhammeda i blagoslovljen je onaj koji podučava", tj., Časni Poslanik, "i blagoslovljen je onaj koji uči," tj., Ahmad, koji je bio primalac ove objave. (*Haqiqatul-Wahi*)

Nadalje, on je primio objavu: "Upozorivač se pojavio u svijetu, ali ga svijet nije prihvatio. Bog će ga, međutim, prihvatiti i utemeljit će njegovu istinu kroz snažne nemire" (*Brahin-i Ahmadija*). U terminologiji Časnog Kur'ana 'Upozorivač' znači 'Poslanik' i u jednoj verziji ove objave koju je primio osnivač Ahmadija pokreta bila je upotrijebljena jedna riječ umjesto 'Upozorivač' koja je glasila 'Poslanik' (Ek Ghalati Ka Izala). Njegova dužnost je bila da u ovom dobu tame dovede ljude spoznaji njihovog stvaraoca i da svježim znakovima i objavama posije sjeme duhovnog napretka u ovom materijalnom svijetu.

Kada je prvi put objavio svoju tvrdnju, bio je sam i nije imao druga. Pojavio se u malom selu sa oko hiljadu i četiri stotine stanovnika, koje nije imalo modernih sredstava kao što su: pošta, telegraf ili željeznička stanica. On je tada najavio da će Bog nepobitno dokazati njegovu istinu kroz moćne Znakove i da će se njegovo ime pronositi do najudaljenijih krajeva svijeta.

Na temelju Božije objave, dalje je najavio da će Pokret, koji je on osnovao, biti čvrsto utemeljen, da će cvjetati i širiti se i

da će njegovi sljedbenici postići blizinu s Bogom.

Kada je Ahmad obznanio svoju tvrdnju i objave koje je primio, naišao je iz svih smjerova na žestoko negodovanje opozicije i svih zajednica. Hindu, muslimani, siki i kršćani su se udružili da mu se suprotstave i odlučili su uništiti ga. Ova opozicija je, sama po sebi, bila pokazatelj da je osnivač Ahmadija pokreta bio inspirisan od Boga, jer jedino istinski poslanici redovito nailaze na ovakvu opću opoziciju. I pored činjenice da je on bio sam i da su mu se suprotstavile sve zajednice, Bog je počeo jačati njegov glas jednim po jednim čovjekom koji su počeli vjerovati u njega. Postepeno su se njegovi sljedbenici raširili u Pendžabu, a onda u drugim predjelima Indije i čak u inostranstvu.

Ahmadija pokret u islamu, kojeg je 1889. godine osnovao hazreti Mirza Ghulam Ahmad, velikom brzinom napreduje u cijelom svijetu. Danas su njegove grane raširene po cijelom svijetu. Pokret broji oko 200 miliona ljudi privučenih iz svih religija svijeta i obuhvata sve rase.

Ako trebate više informacija o Ahmadija Muslimanskom Džematu mi vam preporučuje-
Mo slijedeću literaturu na bosanskom jeziku:

Filozofija učenja Islama • Osnovne i bitne in-
formacije o Ahmedijanstvu • Istina o Ahmedi-
jama i njihovom časnom osnivaču • Knjiga o
namazu • Preporod vjere • Ljubaznost Čas-
nog Poslanika prema djeci • Ahmad i Sara •
Ahmad i Sara idu u džamiju • Molba za našu
braću i sestre • Zašto sam postao Ahmadi •
Poruka mira • Ahmadija Muslimanski Džemat
- kratak uvod • Odgovor na primjedbe protiv
Ahmadija i njihovog osnivača • Naše učenje
• Odabrane izreke iz Časnog Kur'ana •
Odabrane izreke Časnog Poslanika Islama •
Odabrane izreke Obećanog Mesije • Hazrat
Ahmad - Obećani Mesija • Liflete na različite
teme: Isa a.s., Islam, Ahmadija Džemat ... •
Halifat u Ahmadijatu •

Bilo kakve informacije o Islamu ili literaturu
na raznim jezicima možete dobiti u našim
centrima:

BOSNA I HERCEGOVINA

Ahmadiyya Muslim Jamaat

Novi Grad, Tuzlanska 1B

71000 Sarajevo

Tel./Fax: 00 387 33 612 612

NJEMAČKA

Ahmadiyya Muslim Jamaat

Bosnian Desk

Genfer str. 11

D-60437 Frankfurt/M

Tel.: 00 49 69 50688600

Fax: 00 49 69 50688666

AHMAD, THE PROMISED MESSIAH
(Bosnian)
- May 2005 -